

Landesbibliothek Oldenburg

Digitalisierung von Drucken

Friderici Iacobi Beyschlagii, Gymnasii, quod Halæ Suevorum est, Adiuncti, & ad ædem S. Mich. Archangeli Catechetæ extraordinarii, Sylloge Variorum Opusculorum

(Programmatvm, Orationvm, Epistolarvm, Poematvm, Dissertationvm, Aliarvmqve Observationvm ...)

Fascicvlos I.II.III.IV.V. Ab Annis MDCC.XXVII.M.DCC.XXVIII.M.DCC.XXIX. Editos, Complexvs. Cvm Indice Triplici.

Beyschlag, Friedrich Jakob

Halae Suevorum, M.DCC.XXIX

II. Observatio. Ad superius Programma, ubi & de consilio, b. Seiferheldii Programmata & Orationes coniunctim edendi, agitur.

urn:nbn:de:gbv:45:1-16134

II.

OBSERVATIO

Ad superius Programma, ubi est de consilio, b. Seiferheldii Programmata & Orationes coniunctim edendi, agitur.

Ceterum Lectorem benevolum præterire nolumus, recusum modo Programma, supplementi loco, (a) addi posse iis, quæ de hac ipsa quæstione in utramque partem doctè à multis ventilata, nuper erudite observavit in Curis suis Philologicis & Criticis in IV. SS. Evangelia & Actus Apostolicos, Hamburg. 1725. 4. editis, ad Matth. Cap. XXVI. v. 2. p. 366. seq. & Marc. cap. XIV. v. 12. p. 522. seq. *Jo. Christoph. Wolfius*, Pastor ad D. Cathar. Hamb. & Scholarcha, Vir gloria sua, quam præter alia merita eximia, ejus profunda in Hebraicis Græcisque
B literis

(a) Conf. & scriptum quoddam viri cel. M. WACKII, insertum Anton. Fabri Parti XLVIII. der Europ. Staats-Canslen / p. 322. sqq. quem locum debeo VIRO Nobiliss. & Juris consultiss. Io. LAUR. A JEMGUMER CLOSTER, avunculo meo maxime suspiciendo, cujus favorem in literas maximum si nosse cupis, adeas præfat. à VIRO clar. M. KOECHERO, Fautore meo æstumatissimo, præfixam editis nuper admodum virorum doctorum in Hug. Grot. de V. R. C. commentariis.

literis eruditio ipsi peperit, longe dignissimus, cujusque Bibliothecæ Hebrææ, consummatissimi in hoc genere operis, partem tertiam propediem orbis eruditus exspectat. Id quoque monere hoc loco, visum est, dictum Programma, præsentis cum primis tempori accommodatum, speciminis instar, à nobis saltem exhiberi, reliquorum autem, & ab argumentorum dignitate & a stili cultioris elegantia sese commendantium, collectionem, quibus & selectiores b. auctoris orationes, quæ variis temporibus ab ipso habitæ fuerunt, & manuscriptæ adhuc supersunt, cum pleniori, sine dubio, vitæ ejusdem enarratione, accedent, exspectandam, suo tempore, esse, à Filio b. auctoris, *Jo. Frid. Seiferheldio*, Collega Gymnasii nostri tertio, præclare merito, & amico nostro inde à condiscipulatu dilecto, ac magnopere colendo, qui paternarum virtutum, & Hebraicæ imprimis Rabbinicæque literaturæ, in Jenensi & Vitembergensi Academiis, uberius excultæ, dignissimus hæres existit, & tum aliorum, imprimis summe Reverendi honoratissimi que Domini Soceri sui, *Nic. Guil. Seybothii*, Sacrorum nostrorum Antistitis doctissimi, longeque meritissimi, & beati *SEI-*

FERHLDII, in hoc munere successoris dignissimi, Patroni mei maximopere venerandi, consilio ac suasionem, tum suo quoque ipsius, & Plur. Rever. Fratris sui, supra laudati Pastoris Westheimensis, erga dilectos manes paternos, ac præclara merita, amore inductus, hunc laborem lubens aliquando in se suscipiet, cui instituto faustam omnino apprecari lucinam par est. Denique nec hoc est omittendum, magnæ pietatis & integritatis Virum, Dn. IOH. HENR. WENGERUM, Spectatissimum Urbis nostræ Senatorem, & Patronum ac Fautorem meum à multis annis, longe honoratissimum, aliquoties jam, me præsentem, exoptasse facilem Bibliopolæ alicujus operam, qua conjunctim ederentur selectiora Programmata aliaque inedita scripta b. Parentis sui, MELCH. WENGERI, sub finem sæc. superioris decimi septimi, Rectoris Gymnasii nostri Halensis, de literis humanioribus, & juventute, præclarissimè meriti, (f) cui voto ii certe suum sponte adjicient, quibus exacta b. WENGERI doctrina omnis generis, præsertim philologica, vel nota aliunde est, vel frui olim ea contigit, cujus felicitatis multi spectatæ dignitatis insigniumque meritorum in hac urbe viri grata mente recordantur. B 2 II.

III.

CHRISTIANI GOTTL. SCHWARZII,
COM. PAL. CAES. Philos. Moral. Eloq. &
Poës. Prof. Publ. Altorf ac Beneficiario-
rum Noricorum Inspectoris,
ELEGIA.

In Resurrectionem & Ascensionem Christi.

(f) Repeto hic elogium (ex diff. cui tit. Memoria BRENTII renovata, lit. D. 2. b) quod unus ex maxime gratis ejus olim discipulis, supra laudatus M. JOH. BALTH. BEYSLAGIUS, tum Ampliff. Phil. Ordin. Vitemb. Adjunctus, tandem Antistes Eccles. nostræ Halens. meritissimus, nunc cælo receptus, b. WENGERO tribuit, qui nunquam non postea institutione WENGERIANA fruitum se esse, lætatus est, quæ ipsa felicitas obtigit (quod nec hic tacere debeo) fratri quoque Ecclesiastæ modo adducti, nunquam reconciliato, & immaturum ejus ante hos ipsos decem annos, obitum acerbe adhuc deploranti, IOH. JAC. BEYSLAGIO, Incluti Senatus urbis hujus, ipsi & mihi patriæ suavissimæ, à secretis, quem patrem veneror ætatem venerandum, cujusque, pro paterno suo amore, & innata in literas, præsertim amœniore, propensione, in meis qualibuscunque literarum studiis felicitateque provehendis, indefessum studium hucusque adhibitum, ille olim compensabit, qui supremus omnium rerum remunerator est, & solus vicem illorum, quibus facultas magis, quam